

- (2) Gradska/općinska služba je dužna Ministarstvu dostaviti pravdanje utrošenih sredstava u roku od 15 dana po izvršenoj isplati.
- (3) Korisnik sredstava (savez, klub, pojedinac) je dužan u roku od 15 dana od dana održavanja takmičenja dostaviti Ministarstvu pravdanje utroška odobrenih sredstava.

DIO TREĆI - ZAVRŠNE ODREDBE

Član 11.

(Sredstva za ostvarivanje prava)

Sredstva za realizaciju sportskih aktivnosti osiguravaju se u Budžetu Kantona u skladu sa prilivima sredstava.

Član 12.

(Evidencija)

Elektronsku evidenciju o podnesenim zahtjevima i korisnicima prava vode gradske/općinske službe i Ministarstvo, po obrascima koje propisuje ministar Ministarstva, u roku od sedam dana od dana stupanja na snagu ove Uredbe.

Član 13.

(Uputstva i instrukcije)

U realizaciji ove Uredbe, ministar Ministarstva može donijeti odgovarajuće instrukcije i uputstva.

Član 14.

(Ravnopravnost spolova)

Sve imenice koje se odnose na braniocima i članovima njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Član 15.

(Stavljanje Uredbe van snage)

Danom primjene ove Uredbe prestaje važiti Uredba o sufinansiranju sportskih aktivnosti ratnih vojnih invalida ("Službene novine Zeničko-dobojskog kantona", broj: 4/14).

Član 16.

(Stupanje na snagu i objavljivanje Uredbe)

Ova Uredba stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se od 01.01.2025. godine.

Broj: 02-02-21451/24
Datum, 27.12.2024. godine
Zenica

P R E M I J E R

Nezir Pivić, s.r.

- 13.
- .Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 19. stav (4) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24) na prijedlog Ministarstva za boračka pitanja, Vlada Zeničko-dobojskog kantona, na 3. vanrednoj sjednici, održanoj dana 31.12.2024. godine, donosi

U R E D B U

O PODSTICAJU ZAPOŠLJAVANJA I SAMOZAPOŠLJAVANJA BRANILACA I ČLANOVA NJIHOVIH PORODICA

DIO PRVI - OPĆE ODREDBE

Član 1.

(Predmet Uredbe)

Ovom Uredbom utvrđuju se uslovi, način i postupak ostvarivanja prava na podsticajna sredstva za zapošljavanje i samozapošljavanje branilaca i članova njihovih porodica koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.

Član 2.

(Sadržina prava)

- (1) Zapošljavanje u smislu ove Uredbe podrazumijeva prijavu na javni poziv branioca i člana njegove porodice i dodjelu sredstava u svrhu isplate troškova i naknada pravnim licima po osnovu njihovog zapošljavanja.
- (2) Samozapošljavanje u smislu ove Uredbe podrazumijeva dodjelu sredstava za branioca i člana njegove porodice u svrhu sufinansiranja dijela troškova i naknada vezanih za pokretanje predloženih poslovnih aktivnosti, kao i unapređenje postojećih poslovnih djelatnosti pokrenutih ranijim javnim pozivima Ministarstva.
- (3) Prava iz stava (1) i (2) ovog člana realizuju se u cilju smanjenja stope nezaposlenosti branilačke populacije, rješavanje egzistencijalnog pitanja pripadnika branilačke populacije, kao i poboljšanje kvalitete života istih.

Član 3.**(Korisnici prava)**

Pravo mogu ostvariti:

- a) dobitnik ratnog priznanja i odlikovanja;
- b) ratni vojni invalid;
- c) demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu;
- d) član porodice šehida, poginulih, umrlih i nestalih branilaca-korisnik porodične invalidnine;
- e) član porodice poginulog, umrlog i nestalog dobitnika ratnog priznanja i odlikovanja -korisnik mjesečnog novčanog dodatka;
- f) član porodice umrlog ratnog vojnog invalida - korisnik porodične invalidnine i
- g) član porodice umrlog demobiliziranog branioca - supružnik koji nije zasnovaio bračnu ili vanbračnu zajednicu i dijete dok je na redovnom školovanju.

Član 4.**(Posebni korisnici)**

Pravo mogu koristiti i:

- a) dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja kojem je prestalo pravo na mjesečni novčani dodatak;
- b) dijete umrlog ratnog vojnog invalida kojem je prestalo pravo na porodičnu invalidninu do navršene 35 godine života;
- c) dijete umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu, do navršene 35 godina života;
- d) dijete dobitnika ratnog priznanja i odlikovanja, do navršene 30 godina života;
- e) dijete ratnog vojnog invalida do navršene 30 godina života i

- f) dijete demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu, do navršene 30 godina života.

Član 5.**(Dokazivanje statusa)**

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležne gradske/općinske službe o priznavanju svojstva dobitnika ratnog priznanja i odlikovanja i ratnog vojnog invalida, odnosno člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja i odlikovanja, ili uvjerenjem nadležnog organa izdatog u skladu sa Zakonom o upravnom postupku ("Službene novine FBiH" broj 2/98, 48/99 i 61/22), a demobilizirani braniocu uvjerenjem VFMB-3a izdatog od strane nadležne Grupe za pitanja evidencija iz oblasti vojne obaveze.

DIO DRUGI - NAČIN OSTVARIVANJA PRAVA**Član 6.****(Programi i javni poziv)**

- (1) U skladu sa raspoloživim budžetskim sredstvima, dodjela sredstava u svrhu podsticaja zapošljavanja i samozapošljavanja može se ostvariti putem javnog poziva objavljenog u skladu sa programima koje na prijedlog Ministarstva, svake godine donosi Vlada Kantona.
- (2) Programi iz stava (1) ovog člana definišu nosioce realizacije i saradnike programa, kriterije za dodjelu sredstava, sredstva za realizaciju, način i postupak, uslove kao i potrebnu dokumentaciju za ostvarivanja prava i druge potrebne elemente.

Član 7.**(Podnošenje zahtjeva)**

Prijavu na javni poziv po programima sa potrebnom dokumentacijom kandidat podnosi gradskoj/općinskoj službi nadležnoj za poslove branilačko-invalidske zaštite u gradu/općini u kojoj ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne evidencije (u daljnjem tekstu: gradska/općinska služba).

DIO TREĆI - ZAVRŠNE ODREDBE**Član 8.
(Evidencija)**

Elektronsku evidenciju o podnesenim zahtjevima i korisnicima prava vode gradske/općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja Uredbe na snagu.

**Član 9.
(Instrukcije i nadzor)**

- (1) U realizaciji ove Uredbe ministar Ministarstva može donijeti odgovarajuće instrukcije.
- (2) Nadzor nad provođenjem Uredbe ima Ministarstvo.

**Član 10.
(Ravnopravnost spolova)**

Sve imenice koje se odnose na braniocce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Član 11.**(Stupanje na snagu i objavljivanje Uredbe)**

Ova uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 02-02-21580/24
Datum, 31.12.2024. godine
Zenica

P R E M I J E R
po ovlaštenju

Mirza Mušija, s.r.

14.

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 45. stav (2) i 46. stav (1) i (3) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 12/24 i 24/24), na prijedlog Kantonalne uprave civilne zaštite, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

O D L U K U

o usvajanju izmjena Odluke o usvajanju i Programa o utrošku sredstava “Kapitalni transferi drugim nivoima vlasti” u razdjelu 14 – Kantonalna uprava civilne zaštite, budžetska organizacija 01, potrošačka jedinica 0001, Budžeta Zeničko-dobojskog kantona za 2024. godinu – Izvor 10

**Član 1.
(Predmet)**

Usvajaju se izmjene Odluke o usvajanju i Programa o utrošku sredstava “Kapitalni transferi drugim nivoima vlasti” u razdjelu 14 – Kantonalna uprava civilne zaštite, budžetska organizacija 01, potrošačka jedinica 0001, Budžeta Zeničko-dobojskog kantona za 2024. godinu – Izvor 10, broj: 02-11-3101/24 od 16.02.2024. godine i broj: 01-11-13099/24 od 19.07.2024. godine, koji čini sastavni dio ove odluke.

**Član 2.
(Izmjena člana 1. Odluke)**

U članu 1. stav (2) Odluke o usvajanju Programa o utrošku sredstava “Kapitalni transferi drugim nivoima vlasti” iznos i tekst “200.000,00 KM” zamjenjuje se iznosom i tekstem “305.000,00 KM (slovima: tristotinepethiljada konvertibilnih maraka)”.

**Član 3.
(Način realizacije sredstava)**

Sredstva planirana Programom utroška sredstava iz člana 1. ove odluke, realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

**Član 4.
(Realizacija Odluke)**

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

